

Edizioni

- letto 694 volte

Tischler

I.

Por li servir en bone foi
veut amors mon cuer retenir,
et je volentiers li otroi
cuer et cors et moi tot entir:
le cuer ait por le sovenir,
le cors por les maus sostenir;
einsinc toz en amors m'otroi
ne partir n'en vueill sanz merci:
j'ai tant servi et servirai
qu'il m'iert meri.

II.

Amors fera grant estrelo,
se son gré ne puis desservir,
que je tant l'aim et pris et croi
que de moi me vueill dessaisir
por li baillier a son plaisir;
et puis que son gré tant desir,
bien porra dire, se de moi
pitiez et mercis ne li prent:
je ai trahi a escient
celui qui m'amoit loiaument.

III.

Je samble celui qui de soi
convient par estovoir morir;
si est l'iaue si pres de soi
qu'a son menton le puet sentir.
Ensint voi de moi avenir,
quant a l'amor ne puis venir
de ma dame, et sovent la voi.
Mes se li suens cuers ne m'est puis,
je tieg volentiers mes eus
a li esgarder, quant je ne puis mieuz.

IV.

Assez i a raison por coi,
se tres volentiers la remir.
Sens, bontez et biautez, cist troi
font de cuer as eus obeir.
Maiz mesdisans doi trop hair,
qui se painent de moi trahir,
por ce que j'aim, si com je doi,
loiaument et sans decevoir.
Se mesdisans ne me nusoit,
pres sui de ma grant joie avoir.

V.

Gentius dame, merci vos proi;
si me doint Deus de vos joir!
C'ainc de rienz tel volenté n'oi
com de vous loiaument servir.
Tant soufranment mi fait languir
li douz espoirs de vo merir
que por grevance ne recroi,
s'en doi doubles biens savorer.
Qui loiaument sert s'amie,
bien li doit sa joie doubler.

VI.

A ma dame te fai oir,
ne puis mon message furnir,
cançon, par autrui que par ti,
et si li proie et si li di:
la painne m'agree que trai por li.

- letto 475 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizioni-229>